

AITA LARRAMENDI EUSKALDUN PAREGABEARI
ANDOAIN-DARREN KANTAK.¹



KANTARTEA.

Zuri jo Larramendi!
Zuri, gure Aitari,
Pozik ari gaitzatzu
Guztiyok kantari:
Zuk egindako onak
Euskal-erriyari
Zerubetan bakarrik
Du naikoa sari.

KANTALDIYAK.

Garagorri-ko baso ta zelai
Larramendi-ko ballera,
Ichasoko arrai, lurreko egazti
Guztiyok atozte onera,
Artzayen-soñuz, aingeru kantaz,
Gizonak betoz batera,
Euskaldun andi Aita Manuel
Gurea kantatutzera.

Ori-da juan-dan eunki-aldiko
Semerik jakintsubena,
Bere ots aundi, birtute errañuz

(1) On José María Orue-ren musika.

Munduba bete zubena,
Jainkozko gauzak erakustean
Irakaslerik leenena,
Euskal-erriyan sortu zitzaigun
Umanta goiyen-goyena.

Andoain-mendi zabal-goyetan
Sortu zan euzki ederrak
Diztiaduraz alaitu ditu
Euskal-erriko bazterrak,
Bere subakiñ erretzen ditu
Ereji suaitz okerrak
Bero gozoaz zabaldurikan
Errelijijyo susterrak.

Eskola maisu Ernani-koak
Umetan ditu arritzen,
Bilbao-tarren artean gero
Latiñ ikasten jarritzen;
Billagarzira Jesuitetara
Azkar dubela korritzen,
Jakinduriya goragokoan
Gure gaztea da asitzen.

Galde ezazue Salamanka-ko
Jakintsuenen artean
Larramendi-ren kidako zenbat
Agertu ziran batean;
Edo iztunik izan ote zan
Bere onore betean
Ur emateko Eliz ta Eskolan
Jakiñ malla ber-berean.

Irrista dira sor ta sartalde
Zure ots dunderioak;
Berana zaitu eraitorletzat
Erregiñ España-koak:
Argitutzen du geiago zure

Jakintza goyenengoak
 Antolaturik Loyolan isill
 Izkribu mirarizkoak.

Zure izena kantatzen dute
 Izarraizpeko mutillak,
 Beren ojuai eranzunikan
 Urola-ko ibai isillak;
 Zure izena birigarroak,
 Zozoak eta okillak,
 Zure izena Loyola-n bertan
 Eleiza berri ta ezkillak.

Andik zabilta batera beste
 Euskal-erri ta kanpoan
 Jesus-en onra ta erriyen ona
 Darabilzula gogoan,
 Dirauen arte kantako dira
 Eleiza Andoain-goan
 Leiza-ren izen eta zurea,
 Biyak alkarren ondoan.

¡Agustin Leiza ta Larramendi
 Leizaur-eko semeak!
 Zuberi ondraz eta gloriya
 Jayotterri on nobleak:
 Zuberi eskerrak, zuben bitartez
 Dauzkagu añ bitoreak
 Inguru dana edertzen duten
 Eleiza andi ta torreak.

¡O Larramendi! zure esan onak
 Bere gidari zeuzkala,
 Gipuzkoako Diputadua
 Garailari zan bezala,
 Ernani tarrak pozik zebiltzan
 Beren babesza ziñala,
 Euskal-erriko guztiyen alde
 Egin zeduben eiñ ala.

Zure liburu otsandikoak,
 Zure izkribu goitziak,
 Euskera ederra salbatutzeko
 Ta euskaldun-erri guztiyak,
 Eziñ da obeak izango dira
 Eta chit onragarriyak...
 ¡Bedeinkatubak zure antzekoak
 Sortzen dituzten erriyak!

JOSÉ IGNAZIO ARANA-KOAK.

AITA LARRAMENDIREN BIGARREN EUNKIDAN
OROIMENA.

Berreun urte orain dirade
 Jayo ziñala mundura,
 Ama maitean sabeletikan
 Euskal-erri on santura;
 Zori onean azaldu ziñan
 Gure lur bedeinkatura,
 Oroigarriya beti izango
 Da guretzat egun ura,
 Agur gozo bat orain bigaltzen
 Dizut lurretik Zerura.

FELIPE KASAL OTEGI.
